

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 268975 25 St
Zenica, 17.09.2026. godine

Općinski sud u Zenici, stečajna sutkinja Sanja Pavlić, u stečajnom postupku nad društvom Nova Željezara Zenica, d.o.o., ul. Bulevar Kralja Tvrtka I broj 17., Zenica, odlučujući o zahtjevu stečajnog upravitelja Hadžirašidović Jasmina za produženje roka za izradu uređenog pregleda predmeta koji čine stečajnu masu i obaveze stečajnog dužnika, uključujući procjenu djela stečajne mase raspoložive za namirenje povjerilaca, donosi 17.09.2026. godine:

R J E Š E N J E

Usvaja se prijedlog stečajnog upravitelja od 08.09.2026. godine, za produženje roka za izradu uređenog pregleda predmeta koji čine stečajnu masu i obaveze stečajnog dužnika, uključujući procjenu djela stečajne mase raspoložive za namirenje povjerilaca.

Stečajni upravitelj je dužan izraditi uređen pregled predmeta koji čine stečajnu masu i obaveze stečajnog dužnika, uključujući procjenu djela stečajne mase raspoložive za namirenje povjerilaca, do 20.11.2026. godine.

O b r a z l o ž e n j e

Prijedlogom od 17.12.2025. godine, predlagatelja društva Nova Željezara Zenica, d.o.o., ul. Bulevar Kralja Tvrtka I broj 17., pokrenut je stečajni postupak nad društvom Nova Željezara Zenica, d.o.o., ul. Bulevar Kralja Tvrtka I broj 17.

Sud je 12.08.2026. godine donio Rješenje o otvaranju stečajnog postupka i za stečajnog upravitelja imenovao Hadžirašidović Jasmina. Odredbom člana 154. Stav 1. Zakona o stečaju. (Sl. Novine F BiH broj: 53/2021 i 19/25), je propisano da je stečajni upravitelj dužan u roku od 45 dana od dana imenovanja, da sačini uređen pregled u kome se nabrajaju i međusobno uređuju predmeti koji čine stečajnu masu i obaveze stečajnog dužnika sa stanjem na dan otvaranja stečajnog postupka, a stavom 2 istog člana da pregled imovine sadrži procjenu sa kojim dijelom stečajne mase se može računati u stečajnom postupku za namirenje povjerilaca stečajnog dužnika.

Stečajni upravitelj je 08.09.2026. godine, iz razloga što Nova Željezara predstavlja izuzetno velik i tehničko-tehnološki složen industrijski sistem, što stečajnu masu čini velik broj zemljišta, objekata, mašina i uređaja, instalacija, infrastrukturnih vodova, zaliha, transportnih sredstava, rezervnih dijelova, potraživanja, udjela i drugih oblika materijalne i nematerijalne imovine, podnio Prijedlog za produženje roka za izradu uređenog pregleda predmeta koji čine stečajnu masu i obaveze stečajnog dužnika, uključujući procjenu djela stečajne mase raspoložive za namirenje povjerilaca, s obzirom da i pored kontinuiranog rada stečajnog upravitelja, popisnih komisija, stručnih službi i angažiranih stručnik lica, nije moguće u roku propisanom u zakonu okončati sve provjere i sudu dostaviti konačan, potpun i međusobno usaglašen popis sa pouzdanim procjenama vrijednosti stečajne mase.

Odredbom člana 78. Stav 1 tačka b) je propisano da je stečajni upravitelj dužan da izvrši detaljan popis stečajne mase i popis dostavi stečajnom sudiji najkasnije u roku od 45 dana od dana imenovanja, a stavom 5 istog člana da ako nije u mogućnosti da radnje iz ovog člana provede u roku, stečajni upravitelj je dužan da o preprekama za provođenje tih radnji obavijesti stečajnog sudiju.

Kako je stečajni upravitelj obavijestio stečajnog sudiju da nije u mogućnosti da izvrši detaljan popis stečajne mase i popis dostavi stečajnom sudiji najkasnije u roku od 45 dana od dana imenovanja i naveo razloge, uvažavajući prijedlog stečajnog upravitelja za produženje roka osnovanim, odlučeno je kao u izreci rješenja.

PRAVNA POUKA
Protiv ovog rješenja nije
dozvoljena žalba

STEČAJNA SUTKINJA

Sanja Pavlić